

路南州志卷之四

藝文志

路南闕志藝文無從紀載所以往昔名公先生
間有著作類多泯沒無存今欲搜輯成書僅得
之斷碣殘編與學士之傳聞存什一於千百耳
至於近時詩文必擇其長者登諸集不敢濫為
紀述以致續貂之誚故帙中所錄殊寥寥也志
藝文

記

路南州志

卷之四 記

一

路南州始建學宮記

學使 鄧原岳 福建人

高皇帝之平滇南也蓋實以重兵臨之於是草
創未遑講馬上之業譽孽時作無歲而不塵王
師經理既定始圖久安之策郡縣碁置漸以俎
豆代干戈久之滇乃益治文風且振稚髻之民
率襲冠裳登其賢能而賓興之一視中土翩翩
乎明德遠矣而路南故隸澂江自成化間始改
設流官地絕僻什一依山箐而居閔不知學其
穎者稍通章句籍博士往往寄他庠厥後益多

道路跋涉諸生苦之而山箐之民亦竟不識衣冠作何狀則何繇顧化越人被髮視章甫猶弁髦何以故不習故也即引而置之通邑大都文物從容有面赤而走耳萬曆丙申鍾君應麟來守是邦圖之三老咸以為建學便上其議於視學使者兩臺疏請於朝得報可越辛丑而竣役不佞受成焉凡所創建者曰大成殿曰明倫堂皆五楹曰尊經閣曰敬一箴碑亭曰啓聖祠曰文昌祠曰鄉賢祠曰名宦祠皆三楹泮水戟門

路南州志

卷之四記

二

齋舍衙蕪蕪無不備具蔚然鉅麗之觀矣今守史君載德幸而語之曰是諸大夫之請靈寵而載德藉手以告成事者也願使君勒石記之夫古造

士之法則莫詳於成周考成周之所為學者其名曰庠而釋之曰庠者養也養也者作其孝弟忠信之心銷其暴厲恣睢之習六禮三物皆此也辟如養木者然置之於深山大澤無斧斤之擾至於干霄以備明堂之用此寧可以歲月冀效哉高皇帝養士二百餘年其法稟之成周而

其大要乃在伸士之氣而培其節夫士之氣不扶則抑士之節不植則墮以廟堂之威欲行於縫掖之細何求而不得毋寧自屈而伸之凡以培倫常而明網紀綱使之有所維持而不壞古聖王所為久安長治之術其率用此邇者利孔既開盡山澤而錮之即學宮不免焉遂至石鹽鐵之利而左文學之說薄其所為養者而重其所謂罰士者之氣節幾抑鬱而不得伸彼都人士且儼然依於夫子之教而凜然習於高皇帝之

路南州志

卷之四 記

三

約束堅持其孝弟忠義之心而盡絀其暴厲恣睢之氣夫以荒服反覆之國易動難安曩日金革所不能縻者而今以非道加之猶不是其素此無他教之所懷上之所作也史言文翁守蜀蜀地僻陋有蠻彝之風欲誘進之乃選郡縣小吏開敏者飭厲潛詣京師受業蜀人士化之比齊魯焉今士生右文之世不出戶而得師何論漢德故被服聖教則為良士沐浴聖化則為良臣毋自卑其氣毋自墮其節期以用夏變彝較

然不負其所學則豈惟諸大夫藉以榮施不佞
視學於此有厚幸矣鍾君內江人史君潛山人
前後守澂江者王君祿兆即墨人陳君子侃休
寧人皆與有勞者其經費則二刺史捐俸為大
役先而庶官羣弟子亦樂助其成云

路南州守題名記

知州李敬可

周禮大司徒施教法於邦國使之各以教其所
治民蓋重親民之任云自秦置守百世不易以
至今日官有全減地有邊腹而品級無異焉國

路南州志

卷之四記

四

朝輿圖益廣視滇在萬里外路南又滇中一巖
郡耳自漢唐以來為建寧為昆州天寶末為落
蒙所據元置萬戶府尋置州領邑市縣我朝因
之弘治間始省縣入州二百年來大化雲蒸天
文苑起異省之民與土著編籍居半而溪碕山
箐披纏衣皮無年甲書契刻木為信庶幾標枝
野鹿草纓艾服可治也蒞茲土者蓋無難於御
彘而破琢作奸畛畔為寇兵燹之軍饜饜稱難
今上壬子不佞奉命來守茲土競競與民彘相

安於無事而賦稅無幾經制有限歲時八事渾
樸無文又相與遊於純芑之天至其勦竹山之
寇障黑龍之潭建師儒之官甦里甲之疲又前
諸君子所較著者不佞亦何所事事故相與守
章程平政理耳職官舊無所考自元末及洪永
間始列土知州名至成化間改流今紀其名籍
亦自此始而得失之林循否之辨鈴閣閭閻之
間有非峴首龜龍之石所能悉者觀者惟命

修濬黑龍潭水利記

知州吳元孝

路南州志

卷之四記

五

蓋水利之為政治要也國賦民生實根本焉古
昔名臣循吏靡不惟是為務涇之三渠漳之十
二渠尚矣其後倪以公修治於六輔范文正濬
築於廣陵信陽令有子貢坡之號胡襄守有如
春陽之歌流澤無窮聲施後世豈偶然哉慨諸
當年所為慮始以臻厥成者相視營度功誠偉
矣路南州界深阻山澤未闢水源出自黑龍潭
而波堰弗建蓄洩無備旱潦曾不得一勺之用
自贈中大夫大叅鄒公蒞茲土奉職循理以為

治百姓樂業訟獄平反他如增課解羨種種又
其緒耳然於水利尤加之意爰築堰束水勢鑿
渠數十里通水道繇潭口抵大屯原隰幾千頃
皆為沃野無凶年州民粒食之休貽於萬世洋
洋乎惠澤流傳與古爭烈而建祠崇祀俎豆無
替視歌誦殆遠過之矣歲久陵谷遷徙渠漸闕
而野幾涸夫亦川澤在前弗因之者之過也公
聞孫今憲臺總滇臬平反無冤世德直與于門
並稱尤勤水道遺跡以光大先澤方元孝入境

路南州志

卷之四 記

六

贄謁首舉以詢時固拙劣未遑開濬蒙臬憲授
以方略始知所嚮以從事爰循故道閱視實由
谷口之衝水激沙崩此塞彼必決毋怪乎旋修
而旋湮也於是堅整谷口增規橫石洒盪沙泥
使不墮塞溝瀆中而後潰者築之闕者疏之渠
復其故而沃野再覩於今日軍民之懽忻鼓舞
戴德於憲臺者猶當日之戴德於贈公矣惟贈
公經畫之遠猷憲臺繩武之極思精神潛孚而
不隔故功烈經久而聿新路南億萬世之利孰

非食鄒庭兩世之澤也哉祖孫濟美德業交輝

寧帝李贊皇黃安陸已耶揚伯起之五代張

孺之七葉其繩繩無多讓矣無煩公帑非餘澤

之浸灌有以感動之烏能若是元孝下吏何敢

以不文之辭為揚厲幸附畚鍤之役而興仰止

之思敢綴誌之其董督則本州吏目黃君應登

實有茅勛勛焉分修則水利老人夏時泰王朝栗

之勞也例得併書

陵雲閣記

知州

金廷獻

路南州志

卷之四記

七

已已冬余倅巴陵登岳陽樓讀文正公先憂後

樂之語見其慨然已天下為已任而樓遂因以

不朽心竊慕焉維時無所更張一加整飭治即

粗有可觀盖巴陵素號名區左洞庭右彭蠡水

深土厚山川鬱而氣蒼蒼是以地靈人傑政不

勞而俗自是非若遐荒僻壤補救維艱也乃丁

丑以父艱旋里憂樂之念徒付諸瀟湘雲夢間

迄庚辰復任廣平歷乙酉春

聖駕南巡趨事行在

天子不加棄逐且錫以

御書浩蕩之恩渥矣憂樂之志敢不加勵焉不數月
量移路南見其城郭半荆棘田野滋草萊心甚
憂之於是築堰開渠以資阡陌治雖小補尤憂
地處天末厥土中下厥水泥塗山川拙而地氣
薄恐俊傑以地限也乃謀諸寮友紳士修黌宮
立義館以作育人材復於州治後壘石而臺庀
材而閣朞月落成東峙龍山嵐光隱耀西伏獅
嶺佳氣氤氳南仰紫玉茂林掩靄北俯郊原隴
路南州志

卷之四記

八

樹參差間眺野老荷笠還偕學士謳吟顏其閣
曰陵雲蓋以佐山川之缺補風土之偏俾地氣
鍾靈而多士蔚為

國楨或亦可顧而樂之也以視文正公之岳陽樓
雖有未逮而先憂後樂願附仁人君子後故為
之記以志不忘處巴陵之初念云

重修學宮記

金廷獻

韓昌黎云莫為之前雖美而不彰莫為之後雖
盛而不傳甚矣哉謀始之與圖終未可偏廢也

然謀始者或因時勢之可乘而遂樹其功于一
旦圖終者自一世以至十世千百世前功賴以
不至隳棄豈但一二人力哉天下事之興廢無
闕乎教化之重者無論已惟是國家庠序之設
所以崇儒重道明倫育材道德出於斯經濟出
於斯文章出於斯且春秋祀典于焉奉牲帛而
陳俎豆舞干羽而奏鐘鼓事之闕乎教化之重
者孰有加於此者乎路南自有明成化間初改
土設流至萬曆丙申鍾公應麟來守是邦力倡

路南州志

卷之四 記

九

建學之舉廟堂是其議文教始興至癸卯而登
賢書者遂得張君繩臯楊君起南厥功偉矣及
本朝定鼎之初年又得張公臯謨重新之而金君
士敏徐君煒麒辛丑並舉孝廉鍾張二公後先
輝映皆大有造於路南者也乙酉冬予分符刺
是州入其境土地不闢入其郭榛棘叢生而民
多菜色心竊憂之三日謁

文廟由文明坊至櫺星門經名宦鄉賢祠東西廡

趨

大成殿從明倫堂登 魁閣歷

啓聖宮 文昌宮俯仰瞻顧木殘於鼠蠹而垣頽
於風雨憂心愈忡忡焉亟欲修葺念人力在所
必用也夫以必耕而食之愚氓用以築隄通渠
墾荒彼則踊躍從事用以新學校營宮牆士農
之分久矣恐猶秦人而責以越事雖重貲以募
之豈所樂哉爰是順民之欲修昌樂壩引其流
注南帶城堰北帶城堰以資灌溉復創雙龍壩
鑿滿澮而田畝得以廣闢凡於民事攸關者一
路南州志 卷之四 記 十

一勉力行之亦本古先盛王教不先養之意也
數年來畝間幸而漸有起色義學設矣於辛
卯歲敬捐薄俸而學廳紳均欣然為之助即農
家之慕義者亦爭相趨事由是庀材鳩工于
秋仲經始畝者直之朽者易之闕者補之塗墁
而丹雘之四閱月而告成殿閣堂廡宮祠門坊
復煥然一新矣今日者恭逢

聖天子覃敷文治

諸上憲樂育英才 廷獻承乏斯土庶幾可告無

過而于謀始之鍾公圖終之張公其美不虛彰
盛不虛傳亦未嘗無小補也雖然後之視今亦
猶今之視昔予不敏治不逮前人無足取願後
之牧斯土者繼鍾張二公之志以為志則此學
宮也千百世可也予得無厚有望歟是為記

路南州重建學宮記

進士曹應昌流寓

路南之改土而流也自明成化其建學也自萬
曆丙申鍾君應麟上其議天子得俞旨始作人
是邦厥後癸卯楊君起南張君繩臯實首貢賓

路南州志

卷之四記

十一

興繼揚而來賢書接武如己酉之董君邦昌辛
酉之楊君興南至壬午袁君偉周君際明皆擢
高第今稱州名紳且先揚君以成曾以明經應
世鄉賢俎豆其間歲祀猶日昭焉

木朝版章一新人文蔚起辛丑掄賢金君士敏徐
君煒麒連翩鵲起而應思皇皆由吾楚西昌張
君臯謨蒞茲土闡明道教而

聖宮黌序一重構而大恢之也凡精氣屯結數十
年即必一開即必有偉人應運其間來勦懋烈

况聖教崇倫滇南慤俗尤為

上帝所軫念而必篤生良牧以鼓歌蒸變其地者
乎張繼鍾而加厲輒皇兩士以報以自今登俊
殆不可量若者皆天也然而不止於天也地也
余遊路南矣登獅山而瞰子龍學枕枕奮迅接
逶迤風雲會焉遮日之山自東徂西休柔之水
東源陸涼而西洩盤江為尾閭東西所經陽關
其腹且鹿阜之光熠熠其右響水之風噓拂其
左洵為路南文治之區也抑又聞之地氣移貴

路南州志

卷之四記

十二

如雨育苗凡土著乏賢即借才鄰國西南荒服
兩粵蕞爾不足借者芝雲洛水之為靈式穀茲
人士即必北乞峩峩東謀岫嶺而鍾君張子先
後來牧是邦挹彼注茲氣移而貴蓋地也不止
於天也而實非天也地也蓋人也心力所及崇
牙以起鼓鍾斯聞鍾君遠矣吾所知者吾友張
子與余同筆視於寒溪退谷間者三年以名士
屑意荒區銳謀絃誦聞其始至也宮牆之地鞠
為茂草盈盈泮水間健兒飲馬者數年張子怒

焉謂吾談聖賢書舍此何事即占筮卜日鳩工
庀材而迅圖之功不期成不止也曩使張子採
金銅而賤桃李則教湮因簡俗而雜伯治則學
圯邊俸易遷視一官為傳舍崔羅不掃徒仰屋
而無何則亦湮則亦圯然而張子不爾也一日
而百年之偏隅而五教之降牧伯以職師儒出
蒼麻而於論樂矢肇造於物力維艱之會飭禮
樂於干戈甫定之餘凡張君所為視鍾君為極
難耳諸士殫心經費值兵燹之頻謀生不暇乃

路南州志

卷之四 記

十三

能克贊張子以成此輝煌金子士敏孝廉也李
子椿韶薦紳也願與諸生朝夕泮宮凡所可捐
不留餘力一時庠生踴躍爭起者任其難如徐
國麒楊之奇嚴人望趙嘉祥楊維清趙士璠蘇
佺李士吉趙維命倡其事施祚昌李昱金士适
揚偉猷趙睿張行恭親其勞夙夜經營各殫厥
心甫六月而

聖謨煥然楹成舟艫非諸生其誰勵翼之故曰人
也非天也地也然而張子蓋身之又不止於人

也張子事其尊君大人先生絕孝友愛羣季段投文
瑞之風茲里也大差往復織如平波牧馬健兒
戢帖枯堦野李督郵之綏斯國也涵濡庶士保抱
羣黎諸所三老調而月吉陳者靡不身自為教
以教諸士鐸

文宣人且若寬譬言之而况於迂引天者者乎於
式惟身修身為教諸士之身其亦猶之乎張子
矣

引

修建魁星閣小引

知州陳可

魁屬佐司文衡之神考之天官書及漢晉二志
 斗魁戴匡六星曰六昌宮一曰上將二曰次將
 三曰貴相四曰司命五曰司中六曰司祿大約
 魁神居六星之一而星居斗口初無待於人之
 祀之者天下諸文人祀之者何以神必祚^祐之
 者也天下諸文人又崔嵬其殿閣崑祀於宮墻
 者何以為非此不足以尊其瞻仰妥其神靈也

路南州志

卷之四記

十五

路南當兵燹之餘

文廟及

文昌殿

魁閣盡付祖龍迄我

大清定鼎荷

督各上臺加意撫綏俾諸屬吏得以奉行惟謹
 於是廢者復傾者葺率皆次第修舉如我路南
 前守張公汝士偕都人士議謂修復之宜亟者
 莫過於

文廟至於今

大成有殿已

啓聖有祠已兩楹有廡明倫有堂而

文昌有宮已惟

魁神一閣缺然未備解如宗先生秉鐸茲土謂是役不可復後仍偕都人士首事鳩工以非獨力之能支而授簡於余使弁其端余忝繼張公汝士後斯閣不建亦余之憾曷敢辭夫神之在空虛也杳杳冥冥或禱之而應或禱之而亦不

路南州志

卷之四記

十六

應非應與不應之有殊也其禱之而應者必其賢且材足以當孝秀之升而充棟梁之任也其禱之而亦不應者必庸且不肖不足以當孝秀之升而充棟梁之任也然吾猶有進於此夫物之無遺鑑者至於神而止而人之可自為轉移者亦非限於庸不肖而止賢者材者神固祐之庸與不肖翻然自勵而進於賢且材焉神未嘗不因人有自新之圖而遂弗喜之也雖然賢與材在人之自至耳懋修罔怠將紆青紫登仕進

出而見遇當時何借於神而云然是人者固贊
神之所不及矣持是說而集建魁神之閣不已
左乎夫人之賢不肖非天有以囿之也使賢者
遇而不肖者終無自新之路則鬼神何所呈其
靈而人將置空虛杳冥之說而弗信之豈復有
聽於神者哉欲人之觀感而通者必借資於神
然後良楛皆為可用然後材者自信為可必而
不材者亦將勉強希冀徼幸於不可知之天其
所造就斯已多矣余因以是勸路人士而又稽

路南州志

卷之四引

十七

首斗樞自茲以往惟願

魁神盡錫包荒之度俾賢者遇而不肖者翻然
悟自新之圖於以濟濟充廷為國楨榦神功報
祀之典當未可以已也

凌雲閣引

知州金廷獻

蓋聞山川毓秀固大造使然至參大造之結構
補其偏而增其美者又不無資人力以為之路
甸為古^昆州城在州治之西南隅距今城里許
後乃城於紫玉山之北中聳一峰名曰鹿阜地

之靈者也跡其龍脉自西北逶迤而來至學宮
而一結再伏至州署而又一結前人之創立不
為無見惜乎元武主山失倚而對峙之紫玉相
逼客主弗相翕以至自建置以來時非弗久也
而閭閻樂利之風庠序科名之薦未聞十分臻
盛余既任斯土補偏增美責有所歸又安能置
之而不問也哉故覽其形勢諸堪輿家云建一
閣於署後以為主山前控紫玉後映三台於
闔州大有裨益繼又商諸學廳紳士皆曰善乃
捐貲以採木石於州署後數十武而闢其基築
其臺建其閣焉鳩工於己丑孟秋落成於庚寅
孟夏名之以凌雲冀州之士民將來樂利科名
之昌熾與凌雲共升恆而弗替此余所深望也
是為引

路南州志

卷之四引

六

疏

重修興龍寺募疏

廩生楊夢誥

郡刹有名山而不名寺者以山傳也有名寺
而不名山者山藉寺以傳也距北十五里有興

龍寺余嘗遊之矣形勢蜿蜒後峯展旗雲卷霞
栖有起止之勢嵐光照人層浪自接其下松栢
翼嶺蒼翠無間有石可坐溪澗塍溝時時宕人
眼其禪房花木桃李花與映山紅勝開如春綠
葉濃陰行人歇而憩如夏蟲切切作促織吟紅
葉委地霧鎖蒼虬梅衝寒欲放如秋冬真莫定
其四時者更有曲徑通幽處忽一巖奇甚拖藍
飛練磴可摘星綠繞青來另一洞天誠欲界之
仙都也余倦飛入林萬念歇下偈夏杪小息於

路南州志

卷之四 疏

十九

此逢僧話目擊棟宇飄搖若欲及客之身佛界
玉筋有我相無無我相太息者久之僧宗喜謂
余曰今日之宰官身得度者皆夙種福田者也
境敗觸目若若其冒風任也弔羣像於莓苔之
中若其衣蒺藜也因乞言於余而為說法余謂
尚布金精舍而像之殿之垣鬻之依然大雄也
亦何靳一言也向宰官身得度者而為說法乎
則興龍寺亦可傳也已興龍之山亦可傳也已

賦

滇南賦

學正李汝相

萬里之遠域為滇陽星分井鬼地界南方黑水
 載在禹貢聲教通於漢唐劈於炎宋開為元疆
 書於玉版留為金湯交桂透迤而南攝土蕃遙
 控而西走羅施層壘而東望巴蜀通道而北偶
 於山見哀牢太華之翠點蒼金碧之危玉筍秀
 山矗立鷄足水目稱奇龍尾森而雄峙獅頭鬱
 而孤支於水見仙湖洱海之深瀾滄金沙之漭

路南州志

卷之四 賦

二十

溫泉盤龍擅名怒江劍湖爭廣昆池廓以呈紋
 石淙碧而清朗爾乃湧鹹池瀟估客如雲吸露
 飲泉逸士清芬魚鼈鱣鰕之登俎兮尚何冀乎
 吳尊銅鐵金銀之獻寶兮復何羨乎奇珍松瓜
 柑棗之竝生兮判而迤而分路檳榔蘆茶之絡
 繹兮入五都而繡錯於是乎檉柳拖青修竹緣
 壑青羅婆羅之殊其華雪梨石榴之吐其灼園
 桂馥兮秋馨霜梅綻兮春爵或乳檀的的而騰
 霞或安息靄靄而棲鶴紫苑艷冶白蓮清香山

茶杜鵑之披其藻青蘭黃花之異其芳薔薇發
兮幽淡芍藥吐兮艷妝或紫綠融融而醉月或
碧黃色色而傲霜若乃子規夜啼鸚鵡人呼孔
羽纏翠鶴頂冠珠鵲鳴吟兮苔山巢鳥戀兮珊
瑚兮羊憚露狡兔迎月猩猩夜鳴猿猱爭捷熊
羆號兮林深虎豹嘯兮風烈原隰繁衍兮高陵
陂渠禾黍盈盈而比櫛闕津啓閉兮城郭巍峩
喬木綿綿而不絕於是乎五華毓秀昆湖儲精
俊髦崛起名哲挺生或坐月而寫情或尋芳而

路南州志

卷之四 賦

二十一

托志或染雲而丹青或濡墨而書字學富中谿
雅擅西園博記冰玉張含載石輕舟高致張叔
盛覽傳經於先李平文彥暨節於前志誠草中
之聖郭文詩家之仙石淙彪炳相業毛玉骨鯁
諫傳宗龍繩武人中之傑見捷清聰經術之全
廷璧號剛直不阿希載稱清雅風度揚惠曾考
感神明張隆復墓繞狐兔略縷前踪使人心折
近沐

休光適與之埒天覆地載兮

聖教遍於窮谷霞蔚雲蒸兮

文治光於蔀屋遐邇一體兮願附驥尾而觀光中
外裊福兮神馳螭頭以飛揚悵天末之萬里兮
儀前賢以矯修排青雲而直上兮任攬轡而遨

遊

路南州志

卷之四 賦

二十二

五言古詩

夏夜與公敏蓮峰話舊

知州許維祚

爾我流落人相顧還相訝言之心骨悲淒然數行
下鳥息樹色暝月高天入夜杯盡思轉賒語長不
可罷嗟予素心交同是覆巢者性命得苟金道義
安可舍握手在歧路易水值初夏斯別各努力剪
燭為君話

喜次公見過

許維祚

春雨亦綿綿晚晴屢無驗園林亂落落亭草獨稱

路南州志

卷之四詩

二十三

饜蚤起雨聲休雲中日微艷几席肅餘寒道途泥
未斂此際得君過知君頗相念盤飧富野蔬情至
難屢忝琴理悟靜機忘憂托書劔日久掩荆扉幽
閒共君占

咏所各矣石崖

廩生楊夢誥

磊磊環山石玲瓏八面開眼空胸襟潤窟邃劔光
埋路歧花徑狹人寂鳥聲催寒戀岩邊樹春歸嶺
上梅疎烟籠翠壁淡雨洗丹崖桃花洞口笑疑是
小蓬萊

歌

石林歌 和韻

學正張端亮

天空一派雲根補曠望稜稜呈色五何代星精墮
 大荒芙蓉亂插山之塢斗削巉巖箭括通千枝玉
 笋難為數擬從東海策神鞭更遣五丁施繡斧八
 陣驅來嶺上屯縱橫布置開門戶連城縹緲列旌
 旗隱伏屏軍鎮寰宇抗步纜登峯竄峰側身轉向
 清虛府藥室璇房合異區烟光為練霞為組手捫
 嵌竇赤脂凝霖霖濡人迸滴乳左垂華蓋右垂纓

路南州志

卷之四歌

二十六

高者揚幢低覆釜小叩徐聞笙間鏞大則填然搥
 征鼓堅剛自是老爐錘屹立何曾混塵土鐵騎群
 驅林麓奔虬龍倒曳山腰嫵或馳魍象走妖魑或
 布金沙堆粹瑤風噓邃谷鬪雷霆霧匝虛崖藏豹
 虎朝望朝暾羲馭騰夕望夕陰涼月吐紛披瑤草
 繡蒼苔香馥叢蘭皺翠雨遙知太極剖鴻濛別闢
 乾坤恣仰俯丹竈豈無大藥成仙掌憑將莖露取
 采芝此地老軒皇刊木當年勞夏禹况有清泉復
 道流倒注銀河深莫覩汲來冰雪沁我腸冷冷為

滌煩囂若何人示我還丹期我欲從之棲元圃渺
渺仙踪不可求為問崆峒誰是主載將筆墨紀勝
遊惜無麗句增詩譜狂呼斗酒問青天二客從予
皆起舞極目蒼茫萬壑陰一聲長嘯空千古

萬壽橋歌

學正 李汝相

朝辭昆州城馳入堡子塢父老策杖迎具言橋利
溥川為巴盤源水沸多震怒車馬不得過行者涉
之苦鑿石空牛山匠氏不能估營造費不貲土人
日旁午陳情金郡侯倡捐震河鼓壘石作津梁天
路南州志

卷之四 歌

二十七

工人力補適當

萬壽春功成一方祐四達號通衢人人歌樂土驚濤
不復憂蕩平石作艦歌舞慶堯天往來通商賈舉
酒以言歡劇談罄瓶酌鐫銘千萬年俚句傾懷吐
樂只君子哉勒功江之訢

石林歌

何處飛來怪石叢盤根竇竅鬱玲瓏森森稜稜鐵
騎列千門萬戶曲澗通崖窟層層鎖玉關羊腸鳥
道追苦難攀恍疑紫雲天上落五丁把住留人間危

磴高峰真鬼斧球琳瑯
玕奚足數中有一線清泉
流老藤穿壁苔痕古

石林歌

舉人 徐煒麒

何時峭壁天功補搔首問天離尺五落鴈峰高入
翠微李園僻在山之塢玉筍干霄不易登金莖承
露誰能數嵯峨青嶂倚雲邊窈窕丹臺開鬼斧旌
旗搖曳立天門刀劍森嚴擁萬戶只從嵌竇構巢
居不向丘隅誇棟宇旁峙踈櫺共綺窗中環畫閣
並瑤府我云境寂可投簪孰謂谷幽人佩組層層

路南州志

卷之四歌

二十八

學

仙竈自鎖烟累累棋枰嘗懸乳鳥跡徑穿巨巨靈
鴻濛竅鑿垂鎗釜遠而望之類鯨鐘近而叩之似
鼙鼓玲瓏百仞長莓苔複道千重渺塵土來往惟
有白雲親低昂乍見青山媪上若鏤刻以瓊居下
若琢磨以璠瑤想多隱豹及潛龍疑有飢蛟兼餒
虎翠屏石上波濤生殊壑空中烟嵐吐寒暑不知
春徂秋晦明歷盡風和雨下有泉似鈇鋸潭漱流
洗耳隨携取天塹窺之比甕深河源尾閭無從覩
清且漣兮出澗泉或者疏鑿勒神禹青袍布襪歷

丹丘信步巉岩忘所苦薄墓^喜探幽似錦城平明紀
勝如元圃丘樊原無車馬喧剩有烟霞可作主此
時安得丹青人收入摩詰輞川譜覽勝有情還有
興載酒問奇當歌舞壁上無慚黃絹題磨崖鐫句
留今古

香山寺

知州許維祚

錯認東林路幽深曲徑連
嬾雲低講席怪石咽流泉
日落烟光集山空雨勢懸
未能結茅宇知是少清緣

宿來清軒

夕照依樓盡歸鴉破曉烟
凭欄因待月默坐學安禪
草木經秋變星河入夜全
清樽供眺望得意在林泉

路南州志

卷之四詩

三十

送文成之江寧

不盡肝腸話依依遠別情
飛花隨馬去啼鳥送君行
晴野綠程潤春山縱目清
相思兄弟輩夢繞石頭城

春興和米子來韻

園林朝雨後風剪落花輕
變隼山常在呢喃燕有情
身間塵思減境靜道心生
幸少曳裾處誰能倒屣迎

蔣別駕邀飲杏花下

杏圃祇園外春深雨後涼人依芳樹坐風送落花
香晚岫歸雲冷荒城蔓草長連朝頻載酒幾度醉
針陽

感懷

天地蜉蝣寄蘧廬豈是家客窓虛映竹老樹晝啼
鴉醉共親知笑愁聽兒女譁夜來有幽夢閒坐憶
京華

堰城偶賦

知州羅之熊

引水平山麓分流逐甸針沿堤栽柘柳遶屋種桑

路南州志

卷之四詩

三十一

麻男事耕耘計女成紡績家公租輸已畢何必到
官衙

勸義館諸童勉學

知州金廷獻

兒曹休作輟歲月不常留開卷賢如對潛心業可
修門迎千嶂翠座繞一溪幽滿目皆文境隨人筆
下收

贈徐在魯

進士曹應昌

舟楫非吾事池塘強自寬多君贈蓮葉助我戀魚
竿解纜尋花境停橈傍石欄風波此中少行路不

愁難

又

谷口衣裳懶聞人日月長雪能憐竹弱茶不負菓泉
香譜石都忘倦移花自惹忙遙知塵世外盼盼此白

雲鄉

石林

候選金

瑛廣寧人

幽林何太僻萬石鑿深宮徑轉疑無路山鳴似有
鐘古苔緣雨滑邃窟倩雲封半點塵難到惟餘谷
裏風

路南州志

卷之四

三十二

獅嶺

積翠盤千尺攀躋路入遲紆迴難駐馬蹲踞果如
獅梵鼓催松浪薰風響竹枝憑高誰作侶極目夕
陽夕時

興隆寺九日登高

滇南稱絕頂况復又登高馬足雲中落閒情世外
陶白衣人未遠脫帽興偏豪過院僧求賦臨池試
筆刀

題忠節楊公祠

學正羅銘鼎

名祠垂路甸大節重黔灘赤日光爭烈宅溪水尚
寒舌並常山著骨同柴市完忠義留青史乾坤萬
古看

贈徐九徵

學正 張端亮

性癖耽幽勝時來叩草廬高梧留繫馬小沼坐窺
魚僕解供園職兒能讀父書家醅堪取酒多為故
人儲

又

爽覺秋先到庭陰溽暑收風藤垂紫絡雨竹卧蒼
路南州志

卷之四詩

三十三

虬榻向南州下尊同北海留相埒聯二美共作醉
鄉侯

又

地僻遺塵跡烟霞半畝開翠植先生柳香培處士
梅隱几南山近鈎簾好月來坐餘幽興愜移席向
莓苔

又

高士吾何敢惟因孺子過就陰支短榻泛酒折新
荷禮可踈軒冕情應老薛蘿故人牽旅夢相對思

如何

賦得川波岸柳春全迴

學正 李汝相

新築泉邊室還欣淑景多
連漪縈水浪淺綠拂雲
蘿寒氣總消去和風此會過
春光今日滿持贈意

如何

黔闡和魏大總裁原韻

山斗才名重論文更漏深
才行飛玉屑一片識冰
心列炬光騰漢清風韻入琴
千秋逢大雅側耳聽
元音

路南州志

卷之四詩

三十四

咏懷

寄跡昆州裏遊心太古天
窓踈雲補密吟歇鳥聲
連縱飲薰深竹陶情小
漆園此生多樂趣隨在自
悠然

晨起

晨起茅齋靜曙光東嶺餘
寒霜沾袖濕清靄入簾
踈地僻人行少官卑氣度
舒窓前生意滿青草不
須除

踏野

翠黛團山色奇英入錦囊
漱泉消午醉揮扇愛清涼
涼梅店橫黃鳥雲雲卷綠當當思家千里外觸景意
彌長

中秋賞月

捲幔來風遠移樽得月多
蟾光今夜滿爽氣細雲
梭分菓兒童喜啣杯烏雀過
年年常似此懷抱竟如何

又

一月洗殘垢萬家生早涼
平分秋色動榮拂桂枝
路南州志
黃照鬢年顏改共兒夜話長
懷人苦道遠飲酒且徜徉

卷之四詩

三十五

賦得初篁帶綠搖新粉

鬱極英芳吐幽葩到石林
微抽清瘦骨偶寫淡虛心
翠舞朝霞近光浮夜月侵
徘徊思緒永獨坐不能吟

瑞禾

祥符呈滿地靈秀種於禾莖
是人間有穗應天上多
政平田祖格瑞應老農歌
萬里遐荒域歡呼報

太和

賦得水迴青嶂合

揀選
知縣
李義傳

山下水縈迴青葱積翠來泉流苔蘚壁嵐吐風林
隈一線穿幽境兩峰孖石荻浩然題句處風景暗
相猜

賦得雲度綠溪陰

雲來四望齊蕩漾鎖清溪頃刻諸峰合迴還一水
低青苔寒澗冷芳草綠陰棲憶得風流句武陵城

關西

路南州志

卷之四詩

三十六

花園即事

舉人
韓名伯

為愛花為友清齋種一畦常懷清日麗懶看落霞
棲寫意琴頻弄陶情酒自携與君貪醉賞直到日
垂西

村居

舉人
繆
琰
昆明人

桑麻行處有卜築暫芟茅掃榻琴為伴看山石訂
交狂歌寧問譜劇飲不須殺覽物偏增慨誰憐喜
有巢

又

曳杖林塘外青山欲暝時
沉吟文相傳慷慨疊山
詩風勁林俱退霜嚴菊較遲
古人如可學雌伏未
應癡

佛面黃

舉人 金士敏

吾愛陶彭澤歸來心似禪
繞籬環八寶滿砌列諸
天雨沐瞻金相風披惹梵烟
買山堪一笑佛坐禮
紅蓮

端陽

端陽終日雨獨坐此樓中
蕉葉題詩綠雄黃映酒

路南州志 卷之四詩

三十七

紅物華曾不改人事迥難同
郭外誰家笛嗚嗚咽
晚風

和武陽獅山韻

貢生 李弈蕃

獅山藏石寺不知雲樹分
磬聲方出樹客影又穿
雲塵界三千見禪宗一捧
聞夕陽催拙句頻酌為
詩醺

又

覽勝獅山上飄然一客蹤
面懸如障壁鉢影似龍
松槎泛斗牛近筇扶烟霧重
歸鞭橫翠裏清夢在

奇峰

水月橋

貢生金成憲

三五團圓月金蟾上碧池
潮頭初起處海上半騰
時魚咽滄波影鶯窺綠柳
絲杖藜扶我過誤誦月
明詩

又

晨妝玉母鏡昨夜擲瑤池
玉液初啣處清輝半露
時磨光應已久刮垢豈留
絲因何重洗滌更誦玉
盤詩

路南州志

卷之四

三十八

春宵

貢生楊鍾綺

滿目春光富良宵不忍眠
琴橫明月下鶴睡綠池
邊飲酒忘新歲張燈似舊
年千金爭一刻况醉艷
陽天

春雪

瑞雪團山色入春更可喜
飛來片地玉濕透征人
車松老髮添白梅肥枝
自斜遣懷憑濁酒訪戴
惱
寒沙

賦得鬱鬱桑麻風露香

貢生喻吾道

凝眸野望賒處處足桑麻綠葉橫斜映高枝淡蕩
遮迎風貪爽氣挹露濕朝霞月令宮功執清香到
萬家

賦得積翠紗窓暗

淡影微微落幽芳脉脉斜青雲羞葉密翠黛聚亭
賒小隙探黃卷層陰結紫霞窓紗涵寶氣莫認是
仙家

遊三台蓮峰閣

貢生 董文英

三台層壘上數武入蓮峰瞻象山川古談心風雨
路南州志

卷之四詩

衝煮茶看去鶴把酒對蟠龍聞道遠公杳蒼然尚
識容

遊李子箐

峭壁崎嶇立無人敢獨先路緣鞭石就窟是鑿空
懸攢磴難窺地排峰欲刺天石林偶一過回首即
茫然

遊武陽獅山

廩生 楊夢誥

振袂獅山上翩然物外蹤巖深千仞石嶺秀萬株
松彼岸登何處祇園步幾重坐來塵不到片月出

孤峰

又

不識獅山寺深林一徑分
談經花是雨洗鉢水為
雲塔影諸天近鐘聲萬壑聞
浮生間半日骨惜醉
顏醺

贈別張寅揆

才名君擅久函太始相親妙擬王維筆
思侔張翰
尊擔頭頻載句馬首暗飛塵
雲樹懷千里惟餘梁

月新

路南州志

卷之四詩

四十

漁家樂

廩生楊蔭誥

羨爾漁家計飄然一葉舟
曉隈芳草岸夜臥白蘋
洲燈火孤村月蘆花兩岸秋
得魚堪換酒婦子樂
無憂

題忠節太和楊公祠

督師揚繩武
彌勒州人

縱橫萬馬一城孤
賭命還將半壁扶
宗社有靈鍾間氣
山河無恙鞏皇圖
九迴抽盡腸猶熱
七尺摧餘骨未枯
廟祀悠悠千載後
青霜細雨淚模糊

遊芝雲洞

知州馬鳴陽

芝雲弘敞自天開
怪石奇峰寔異哉
不與丘陵誇世界
却從空谷構樓臺
巍巍古跡籠葱秀
隱隱仙踪錦繡苔
更有石門擎玉柱
至今長闢不須摧

路南州志

卷之四詩

四十一

贈徐在魯

知州張隼謨

雛紅雉綠影彞
猶掩映城南烟水樓
花信風聲旬日度
春山曙色一簾收
騷人潦倒尋芳徑
怪石低昂類酒傳
寄語東君須鄭重
休將杖履逐浮沉

又

樓頭雲過醪醕尊
佳水佳山自寫真
如畫園林難少我
多情詩酒自留人
烟蓑雨釣從來僻
瘦島寒郊過去身
此日官衙長寂寞
城南新卜蔣家鄰

同劉太史遊獅山

四十功名志未雄
婆娑烟雨一心空
伏波事業雖無外
司馬文章只此中
載酒問奇誰自得
隨山刊石幾人通
會稽禹穴長千古
必竟風流太史公

遊獅山

知州陳可

長道俗人是簿書
好遊性癖久相疎
朝來已覺舊情爽
風過能貽遠意舒
積葉堆雲層石迥
閒花散雨千巖虛
下方城郭依山靜
日向山傍且寄居

遊芝雲洞

送別官亭覽勝留
時當初夏若深秋
千層晝月穿

路南州志

卷之四詩

四十二

巖曉十畝溪雲接
水流壁氣寒侵來
曲折石光翠滴自清幽
為言此處有靈鶴
子晉吹笙汗漫遊

薄暮得微雨

知州許維祚

幸得幽居遂野情
輕烟入暮鎖高城
雲依虛牖孤燈暗
雨落空雲宿鳥驚
階下淋漓看漸濕
簷前斷續聽無聲
中宵寂寞心愈靜
枕簟悠然夢亦清

賦得我愛夏日長

燕雀喧喧近草堂
幽人箕踞樂徜徉
雲開反照千峰霽
雨過虛窓一枕涼
花惹蝶愁憐影度
柳深蟬

靜引聲長如年還喜無事與客披襟話渺茫

送我法還里

皓首猶能汗漫遊長安星聚再經秋逢人老眼時
青白到處孤踪任去留客路蒼茫烟樹冷離情依
舊夕陽愁欲期後會知何日莫惜音書過薊丘

凌雲閣

知州金廷獻

凌雲高閣跨城墉四顧層巒若伏龍彩棟縈迴天
際日朱簾舒捲嶺頭風江聲斷續欄杆外樹色依
微烟雨中此會登臨多逸興恍如身入斗牛宮

路南州志

卷之四詩

四十三

又

千巖競秀翠如流無限風光入望收盤水飛霞簷
外落獅山來爽檻中流南雲撫字才偏短

北闕高深德莫酬俯仰登臨但一氣迷離烟樹隱

皇州

贈袁公輔

進士曹應昌

寄踪物外歲華流四世三公錦幔收陽西書猜前
世讀海天人落路南遊與君縱酒鄉非醉有事賞
心話莫收指日梅花官署遠郵亭且耐一宵愁

竹山樵唱

聞來懶慢度昏朝
唱入深林解寂寥
竹韻似迎歌韻古
山音如應曲音遙
清幽豈借桓伊笛
瀟洒還疑子晉簫
踏破白雲留不住
隔溪樵侶又相招

魚池雲影

碧沼澄清入眼幽
何年噓氣未曾收
無心出岫波中見
有霧迷天浪裏流
一派文章隨上下
幾番烟景自沉浮
年來曾負凌雲志
池畔晴陰為我留

贈徐出園

學正 張端亮

路南州志

卷之四 詩

四十六

十年聲氣識君多
景行於今賴切磨
握手喜聯高士榻
看花更進碩人窠
清時廊廟推瑚璉
醉後江山有薜蘿
無柰蒼生霖雨望
濛川未必穩漁蓑

題忠節楊公祠

學正 李汝相

浩氣留芳近五溪
一身輕棄草萋萋
忠鬱結晴雲暗勁
節高撐古木低曾達
宸聰題漢柱還從祠
角遶虹霓孤臣一片
哀腸苦野鶴於今和
淚啼

鹿阜霞光

相傳山阜翠華團
瑞靄南州曙色闌
逐鹿當年成

盛跡晴雲今日繞林端琴揮指上生春意鶴舞堂
前倚石欄觸目琳瑯添逸興霞光處處耐人看

獅嶺晴嵐

獅峰陡立淡烟橫一派晴光處處橫呈松繞微雲花
作錦竹搖清韻玉為聲披襟坐愛朝暾暖覽勝偏
饒翠黛青輕縱飲嶺頭登眺遠一時興味孰能京

石碕仙踪

日永尋芳古碕間清幽逼我紅塵刪浪痕斜湧翻
苔徑崖窟橫穿老石關鑄就棋枰誰共奕鋪成牀

路南州志

卷之四詩

四十七

第幾人閒看來往事多奇跡剩得芝雲仙氣園

環山雪霽

春光飛不到天涯夏秋之交放碧霞赤日猶疑雲
氣濕晴川偏有溜痕斜鴈過乍驚梅結玉人行應
嘆絮拖花子猷不作乘舟想天意巧為寫物華

響水風清

州角東隅構一窩泉聲乍聽自蹉跎陡來湖泮凌
波震徐任紆迴繞案過天籟偶憑晴氣入潮音時
向雨聲梭此中造化多微妙響到園林樂趣多

龍潭夜月

清幽入夜遠烟塵皓月當空映一津樹影斜穿泉
底鏡山光倒侵水中蘋投竿牽動舞衣曲盪槩還
驚折桂人自幼沛霖曾有志故將懷抱寄江春

魚池雲影

半畝方塘老樹圍低看雲影露晴輝何妨護嶺描
幽勝偏喜臨淵寫翠微朝爽曾將黛色洗夕陽猶
入水晶飛凝眸領取輕盈態點染於今濕透衣

竹山樵唱

路南州志

卷之四詩

四十八

竹山孤聳碧雲間樵子歌聲去復還乍起恍疑天
上響細聽却是嶺頭圓雲移逸韻晴拖入風捲餘
音靜欲聞莫道昆州無勝事助人野興有多般

瑞禾

晴雲此會繞林端禾滿昆州瑞色闌非是異人天
上種却疑神物水中團一莖盪漾分雙穗五色扶
搖捧玉杆

聖世循良呈秀淑萬民應有室家歡

又

萬里恩波破大荒嘉禾鬱秀靄青蒼南天樹植原
無術今日紛披改常風擺單莖呈並穗雲移細粒
飽青霜看來頓覺祥徵異四境悠悠戴德長

梅花

晴窓的的愛朝曦老榦抽花伴蝶飛倚檻淡妝橫
遠黛臨流疎影透寒衣腮含淺綠春將動肌瘦清
標雪護肥百卉斂容留不住東風戀爾莫相違

又

性癖閒居耐苦吟荒城梅色氣蕭森傲霜瘦骨老
彌勁餐雪芳顏寒不侵月下山禽窺冷艷樽前粉
蝶戀花心只因堅得孤高節助我詩情興味深

又

寄居多愛山泉清贏得丰神異樣輕翠黛迎風香
入細冰肌立月影偏橫投竿牽惹幽人興盤石堅
持處士心上苑春光常錯過幾時為我破愁城

又

立身孤峻遠炎塵破臘冲寒氣色新懶喚何郎傳
粉黛却將西子賽梅鬢岸容月映山溪水幽意雲

偷碧海春此夕同人添逸興酒杯到手莫辭頻

雁字

羽翰飛來不自由斜鋪錦字倚天浮
凌雲墨破瑯琊石劃雪文分鄭圃幽
三都紙貴霜毫裏大篆書成碧漢秋
欲識此中得意處名家巨筆一時收

又

冲破青烟寒未侵硯池疑捧到天心
盤根鐵畫雲間轉細繞銀鈎月下臨
奇字恍從霄漢落黃庭何事右軍尋
置身高矗紅塵外灑翰橫斜不自禁

路南州志

卷之四詩

五十

凌雲閣

小蹊崛起一高墉飛閣排空控玉龍
畫棟平林宿曉月軒窓透影露孤松
品題花鳥青霄立指點出川萬壑宗
銘石紀功歌召父祥徵一郡五雲封

又

臺榭巍峩接太清凝眸遙望四山明
朝晴爽氣迎東宿夜靜幽光吐赤瓊
滿座風煙排瘴厲半天雲木透窓櫺
興酣不覺輕陰散美酒沽來醉亦醒

又

崇臺高插白雲間
觸目琳瑯意自閒
天籟側聞炎暑退
禽聲低聽紅塵刪
竹山對立雲輕護
紫玉迴環水一灣
却喜此中添逸興
逼人詩思許多般

又

登臨水閣共留連
曙色平分挹曉烟
入座踈窻雲補密
盈前古樹鳥低穿
直衝棟宇撐銀漢
斜引山風拂几筵
勝跡鐫銘留萬古
願偕同志彙成編

古城二景

古城晚霞

路南州志

卷之四詩

五十一

簫疎烟樹帶城圍
日日斜陽暮靄飛
古岸嵐鋪虹作錦
一川紋拂水騰輝
輕雲半捲山疑動
夕鳥潛窺草似肥
想是鴻鈞多蘊育
霞呈五色作蘿衣

長江半月

長江曲曲抱烟村
山篆蟾光近夕昏
日色照殘清魄映
半輪低拂細波翻
依微簾鉤影彷彿
描成太極痕
欲究化工呈巧處
俯探流水得天根

之水庵

訓導

邵崇文

法刹高憑萬壑開
清江曲曲鎖香臺
鋒旋春蚓隨

堤折撇轉秋蛇繞座來竹裏滌洄閒悵望窓間瀟灑自徘徊宛然逸少題名處體勢從心信手裁

黔闈中秋賞月宴集步韻

舉人徐之愷

龍門獻賦彩雲披冰鑑誰將國士知萬蟻戰交霜
肅日五星明照夜深時杖藜近與文光接玉杵遙
隨月影移貴筑叨歌傳盛事庾樓清興動人思

又

八月涼秋夕露披芙蓉入夢鏡先知
文成戰士啣枚候筆似春蠶食葉時
玉漏聲催星未落金蓮色

路南州志

卷之四詩

五十二

燦斗初移棘闈詞客吟黃絹江左才高足繫思

凌雲閣

揀選知縣李義傳

撐支畫閣挹長颺高踞城墉好勝遊烟樹迷離千
嶂遠風光掩映四時收雨淋簷流難拖地月吐山
巔先照樓此日登臨空萬象恍如身御碧雲頭

瑞禾

秋風瑟瑟滿前川太史占星為有年今歲原非昔
歲比一莖常似數莖懸三三競秀呈霞錦兩兩爭
奇篆曉烟自是牧民多惠政故將神異放江邊

和送慧燈上人入三台中庵

為愛三台謝俗塵中庵一衲獨存真雲移輕案老
苔砌月映禪房點綠茵攜手虎溪忘遠步談心白
社戀幽人耳邊忽送陽春入字字敲來景更新

瓶中紅白芍藥

春景融融斷續風誰移芍藥點晴空百千黛色他
園里三兩殊顏几案中綠葉扶將成淺碧小枝綽
約露深紅晚來不減庾公興明月高懸正在東

題忠節太和楊公祠步韻

揀選知縣速秉植

路南州志

卷之四詩

五十三

君門萬里嘆臣孤危孰與持顛孰扶已擽一身匡
國難違因數口作私圖火溪血化草猶碧玉嶺神
依柏未枯當日曾經太史筆丹心萬古不模糊

又

重重鐵騎逼城孤戮力思將社稷扶歃血潛盟謀
已就檄書申阻事難圖身經百戰睢陽壯骨碎片
時紫市枯父老於今談軼事殘碑猶見淚模糊

獅嶺晴嵐

飛來鷲嶺作獅鬻篆出明霞古樹間宿霧不留林

木朗暖暉一派曙光閒朝疑松下長虹度暮似巖
前五色園把酒談心盡日飲青雲繞足紅塵刪

環山雪霽

聞道香山白石蟠四時仍作雪漫漫元非微霰三
冬積何故飛花六月寒盛暑猶遮訪戴笠晴嵐還
憶跨驢鞍高人錯認尋梅地幾度徘徊不自安

鹿阜霞光

舉人王槐

逐鹿當年事已更仙踪無影阜烘晴祥徵五色凝
青甸瑞擁千家起赤城輝映玉山饒野色光凝洛

路南州志

卷之四 詩

五十四

浦掇雲英懸知勝地鍾良牧佳氣浮雲百里明

龍潭夜月

一碧涵空萬派流寒蟾瀉彩石潭幽誰將海客藏
蛟室併作嫦娥夜月樓寒浸半天雲影淡清沉十
里鑑光浮夜深龍起金波湧喜抱明珠得意遊

獅嶺晴嵐

西來爽氣壓松巔隱隱青獅帶綠眠山色有無凝
暮靄樹陰濃淡駐晴烟片時領略雲園岫一望滄
茫海作田疊嶂青幽看翠滴無人拈破箇中禪

竹山樵唱

伐木行歌挈伴回竹林深處鳥聲催無腔短調翻
新譜信口時歌暢野懷一部蛩音傳谷口幾番天
籟出溪來是非不入樵人耳一路山烟逐步開

和王眉英贈別

舉人 韓名伯

赤墀命使廣旁求獨羨君家藻鑑周黔嶺當年騰
彩鳳滇池今日起蒼虬談心莫問廬陵事話舊何
殊貴筑秋茲夕歡逢須盡醉雲山從此動長謳

丁卯中秋同試黔省步兩大總裁韻

路南州志

卷之四詩

五十五

佳節分輝皓露披一番清翫許人知權逢桂萼當
秋夜期會桃花恰艷時酒興頻催經漏永詩懷欲
賦見星移登龍漫冀開東閣邂逅黔闈遂夙思

題楊升庵祠

舉人 徐煒麒

名世芳踪謫遠芳寒烟古渡海茫茫蜀江不返啼
鵲淚楚郡長吟垂柳章清議重輝新祀典忠魂常
繞舊祠堂恨無靖節歸來賦錦字書中怨夕陽

又

帝里朝辭久住南玉堂遺址向誰探尊親大義原

成激事主孤忠自不慚昔犯龍鱗辭北闕今占鷄
骨寄珠龕烟波半世棲滇國千載丹心照月潭

答周廣文賞蓮

舉人袁偉

自笑踈頑與世遺惟君教我學時宜池邊濁酒堪
呼月郭^外青山好寄詩誰道讀書推牛豹方知涉
趣讓濂溪盈眸况是花君子千載風流請復之

又

願作郊原十日遊百錢沽酒掛溪頭千枝荷葉旌
旗卷一鑑鳴蛙鼓吹收花似騷人晴處發詩如迫

路南州志

卷之四詩

五十六

我雨中求來年應有鱣堂信且把雲山絢爛收

送刁先生還蜀

痛飲經年續古歡臨歧不及再盤桓他年定訝滇
雲薄故國何堪蜀道難問字從來曾載酒寄書此
後願加餐烟霞莫向眉山鎖滿目蒼生望謝安

山居即事

老來不敢道行藏日愛吾廬引畫長架上文章皆
古董林間笑語更荒唐幾竿疎竹爭朝靄一段寒
梅惜晚香時過鄰翁數甲子相逢盡是舊衣裳

又

何必名山始善藏
一丘一壑便相當
閒雲出岫隨
心卷倦鳥停飛
那處忙司馬
不聞遭漢武
陶潛自
是謂羲皇
門前五柳安
然在勿用行
吟效楚狂

贈別張寅揆

舉人 繆 琰 昆明人

執經宣意別離前
尊酒臨歧倍感情
絳帳春風文
自麗寒江烟渚墨
尤精相思莫謂陽
瓜遠寄跡應
知鹿阜平肯憶吾
鄉山水好
佇看驄馬再南行

鹿阜霞光

貢生 李椿齡

路南州志

卷之四 詩

五十七

當年逐鹿憶仙翁
鹿幻仙踪山自崇
雲峰紫玉平
鋪案天啟青屏秀
插空佳氣鬱葱
曾罩靄祥雲閃
爍却驚虹
鍾靈元是循良地
琴鶴蹠蹠鎮洛濛

魚池雲影

一泓秋水碧于油
何物披紛錦作洲
出岫無心舒
欲卷臨淵有意去
還留陰垂碧淨天
疑動影弄燈
鮮日覺浮看罷不
忘濠濮興洋洋
鰲隊正堪遊

嚮水風清

舊漾川痕新漲潮
虛樓人靜聽初颺
聲搖湘珮

吟古音 **獨** 秦臺鳳引嬌逸韻遙聞天半籟流絃共
送月中韶泠泠一派清心耳欵枕宮商醉夢銷

龍潭夜月

夜深雲散樹林端一派幽光徹底寒水止不緣風
鼓浪鑑空只任月拋丸寒浸夜色澄澄碧光溜秋
瀾湛湛團下上空明相映發此身疑作廣寒觀

石碕仙踪

雲樣胎精芝樣研五丁鑿竅鶴飛仙縈紆奧榻愁
無地窈窕軒墀別有天丹竈歷年莓漸蝕碁枰亘

路南州志

卷之四詩

五十八

古乳頻懸玉莎瑤草追遺跡緱嶺吹笙何日還

獅嶺晴嵐

欲問西山若個奇靈獅蹲就不知移朝雲暗趨晴
崗染宿霧輕拖春嶂披草色芊芊攢怪石松風謾
謾撥殘碑尋芳上已扶筇地萬壑煙吞酒一卮

環山雪霽

不見彤雲六出花緣何霽色滿空霞層巒石溜飛
瓊圃負郭人遊弄玉家蹇策盃樓香自遠鷁流戴
棹興何賒飄然鶴氅神仙侶鼎水烹陶漱物華

竹山樵唱

竹林深鎖雨花臺青滴芙蓉面面堆朝送籟聲天
半響晚移清韻嶺頭來如歌郢雪如歌楚半八峰
嵐半入隈莫道行雲能遏响一時遙聽幾徘徊

月夜梅影

貢生施純仁

玉署欄干爽氣開孤梅午夜獨徘徊寒枝未報家
家雪踈影先移步步陔高士酒酣忘露冷美人腸
斷怕香催立殘清照無言語遙映紗窓去復來

夜雨

路南州志

卷之四詩

五十九

小齋飲酒綠雲稠夜半雨聲倚枕浮萬戶悶纏炎
瘴裏一雷驚散老農憂陡來瀝滴風翻浪密布橫
空瓦襯流為愛西成應有望田夫相慶古汀洲

雁字

貢生楊珍

漫道天章不費思排空字樣少人知草書倒挂青
雲裏健筆斜飛秋月時拖去何人能潑墨揮來無
畫不爭奇多緣南國無音信代寫幽情處處宜

盤江春雨

二月濛川水映隄時添新雨助幽思膏盈淺渚春

波溢泉漾汀洲練色齊洗去清烟打柳岸流來甘露潤芳枝陽和化澤今初轉滌淨塵襟漫賦詩

鹿阜霞光

貢生 金成憲

逐鹿仙翁事已磨巍巍堂下吏人過籠葱瑞色朝
還見曉靄祥陰午正多微暈何曾因雨掛輕虹豈
是帶晴拖郡人不識仙猶在紫氣從東擁綠蘿

石碕仙踪

神仙何代煉丹修雲鎖千年洞壑幽路繞莓苔深
可到窟含森邃渺難求牀前冠履於今在案上棋

路南州志

卷之四詩

六十

枰自昔留服氣想應長辟穀石田何事役耕牛

獅嶺晴嵐

靈獅誰縱巴江上高踞城西已萬年骨聳嶙峋雲
籠岫毫鋪林莽樹含烟遙看似黛晴方覺近挹如
藍雨後懸雲淨天空時捲幔西山爽氣正窓前

魚池雲影

一鑑清池映綠苔誰將噓氣入池來雲歸天外全
無跡影落池中久不開捲舒豈為陰晴變聚散空
令曉暮猜更有奇峰宮樣巧却疑龍女慧心裁

環山雪霽

日麗香山樹影斜翠微深見瓊華南天莫是春風
少夏日還餘臘雪賒弄玉儘堪誇座客堆銀恰
似為貧家陶公若住巴江上炎暑猶呼學士茶

龍潭夜月

盈虧幾度暮雲邊自落龍池夜夜圓任是月殘曾
不晦從來望後那知弦波心返照搖蒼壁樹底寒
光射碧天莫是驪龍藏水面悠悠千載抱珠眠

竹山樵唱

路南州志

卷之四詩

六十一

翠碧重重衆壑寬丁丁樵斧入秋殘行雲响日高
峰落空谷聲來萬^林寒隱隱花宮藏樹裏悠悠仙
梵起林端清幽何似山深處野韻無腔和也難

鄉水風清

遙遙何處奏埙篪疑在初晴欲雨時奮發如濤虛
枕聽悠揚似籟暮窓知黃昏却訝吹來早靜夜翻
疑送入遲莫怪村郊頻獻歲南薰風裏問耘耔

凌雲閣

凌雲高閣勢難攀此日登臨暫得閒第覺此天輸

北斗何妨與地傲南山有無黛色虛窓裏隱躍泉
聲遠樹間對此詩人清興起國中屬和有誰班

瑞禾

穢穢嘉禾隴上生何緣兩穗一株擎

九重尚憶三農苦十畝爭誇百室盈處處春風迎氣動

年年甘雨應時傾禎祥獨見山^州地

帝德天心不可名

又

陰陽淑氣入年光五色容鷄唱短牆書進嘉禾當

路南州志

卷之四

六十二

日瑞穎呈雙穗應天祥彩雲曾現銅池裏靈草還

生玉殿旁豈似三錢贏斗粟行人千里不齎糧

又

忽聞何處產嘉禾強酌餘罇漫一歌史載兩歧知

最少書陳雙穗未云多星雲自是闕昌運草木由

來感太和

聖澤普天皆雨露禎祥獨見此山阿

忠節祠和韻

迷天毒霧逼城孤大義惟堪一死扶智盡誓將消

國忿力窮寧肯身為身圖名祠盛事千秋烈火掌餘
悲七尺枯自是精靈終不泯英風黯黯作雲糊

州志特紀先年節婦書以弔吊之

半世孤燈照影寒湘痕肯共一杯乾柏舟酬得生
前志青史留將死後看冰雪從今輝玉簡姓名有
路到金鑾芳魂此日應含笑灼灼庭花倚畫欄

古城晚霞

何處明霞掛碧空山川全抹夕陽紅江流秋起桃
花浪嶺樹春搖丹丹葉楓却羨隨烟推畫錦怪來無

路南州志

卷之四詩

六十三

雨掛青虹輕古城莫是函關地紫氣于今向晚濃

長江半月

清江如帶碧沉沉一曲蒼巒送夕陰豈有疎烟鋪
水面惟餘殘月墜波心斜橫柳下驚魚釣隱躍山
西照客琴一葉扁舟歸去晚綠蓑疑有色相侵

梅花

貢生喻吾道

清泉一曲抱村流傲雪花枝入夜幽姿格舞迴雲
裏鶴丰神驚起水中鷗橫鋪疑是桓伊笛直下還
同嚴子釣世上塵埃無所繫孤芳自賞復何求

又

飽飯閒居午夢長
醒來清味是梅芳
他年月戶神相注
今日雲窓態倍揚
針插蕭蕭鋪片玉
高撐字字分天章
漁船載得輕陰去
一派餘香入水涼

巴盤春雨

貢生 董文英

小謝輕埃竟日迷
青青河畔柳枝低
桃花半向烟中落
芳草多因雨後齊
應有遊魚衝急浪
豈無飛燕得新泥
蟄龍此際潛江底
直聽春雷到海西

凌雲閣

路南州志

卷之四

六十四

翠幙紗窓八面開
山光雲影共徘徊
簷前雨過容偏秀
簾外風微爽欲來
着子似從天上落
吟詩疑在月中裁
此時塵俗歸何處
彷彿瑤天第一章

雁字

貢生 陳鵬健

嶧山振羽摹碑秦碑大篆翻新小不差
上下百年羣說異縱橫萬里獨驚奇
行縈春蚓依沙岸影亂秋蛇倒碧池
雲外欲高題塔字長安宴醉杏花時

又

一派靈空炫錦霞
裁成雲篆合還分
龍擘筆海初

成陣月滿瑤臺別有羣幾度迴翔書欲就數翻離
落硯將焚逼咄咄疇能爾飛翰驚天見大文

又

掃破青天雪未消上林有信寄烟綃一波三折停
雲表方寸千言著漢霄行亂幾疑張旭醉點斜誰
信米顛僑鐵門斷限原無字誰與霜翰變化遙

屏石

廩生 楊夢誥

屏宮暫寓別為天山內有山亦有川疎密燈光星
月掛淡濃烟影霧雲連飛濤驚夢樵樓近曲澗支

路南州志

卷之四 詩

六十五

橋仙路懸石隱朝朝居世外恍然身寄葛懷間

贈別張寅揆

一風一雨度西山文旆飄來美茂年鐸振青雲才
似賈喤敲白雪畫猶仙詎期榴火催行色且倩柳
烟鎖去關漫道歸鞭雲樹裏金蓮待照玉階前

又

敷濛化雨正霏微青作檀兮絳作帷四座時欽揮
塵訓一囊忽負蠹魚歸瞻雲無計攀轅旆起鳳何
心戀枳棲非是贈君堪折柳願將彩汁染春衣

芝雲硯和韻

芝雲崩裂五丁開，峰勢橫撐幾世哉。
仙境依然留玉筍，鬼工隨意幻蓮臺。
懸崖乳滴寒非雨，深硯精成石是苔。
為問巨靈緣底事，天生巧構不須摧。

凌雲閣

生員 楊簡誥

近接雲霄遠俗塵，遊人踏破霧中天。
嵐光隱躍獅峰裏，紫氣浮沉玉嶺邊。
只恐豪吟驚北斗，好看明月過前川。
幼年欲遂凌雲志，到此儼如得意還。

賦得滿城風雨近重陽

路南州志

卷之四詩

六十六

纔擬登高興欲狂，滿城秋色兆重陽。
好風迎節思吹帽，細雨催花半吐香。
送酒王弘猶覺早，多情陶令已斟觴。
浮萸九日知非遠，無限詩懷待菊黃。

小窓對雪

生員 張于霄

閒居靜對一窓前，何處漫漫下九天。
羣雁忽驚銀海結，古梅乍見亂花翩。
寒齋聊謝倚門客，兀坐懶題訪戴箋。
愧我冬來無勝事，漫從小牖晤先賢。

雁字

生員 徐致和

誰寫長空寄遠思，懸書天漢少人知。
行縈摩詰揮

毫處影亂張顛濡墨時題破衡陽秋信好傳來塞
北錦章奇風斜體勢聯還斷摹就迴文幾句詩

芝雲硯

曲折層深出化工看來窟竇盡玲瓏參差乳筍排
行立壯麗亭臺隔丈逢四座芝橫思戲採千堆雲
靄憶探窮遊人眷忘歸去知與蓬來彷彿同

並蒂蓮

生員 徐仰聖

為愛朱華駕小舟奇葩並蒂色偏幽波中共把文
章露水面相將綿綉留我謂風流雙陸似人云淨
路南州志

卷之四詩

六十七

興

未休

五言絕句

水月橋

學正

李汝相

素月青溪上
遠橋綠影留
臨淵寒色逼
誤認是仙

舟

又

淺潭碧似油
一月映汀洲
寶鏡何年掛
蛟龍不敢

收

團山瀑布

顏色白於雪
聲音宛似雷
浪痕斫不斷
溜沫劃難

路南州志

卷之四

六十八

開

又

雪花分碎溜
石骨細劃柔
激烈聲悲壯
不知幾代

秋

凌雲閣八絕

貢生 金成憲

高窓不捲簾
月色如霜白
料得高吟時
詩韻宜清

絕

淡白偏宜月
踈狂最可風
平生添逸興
多是此樓

中

遠岫千峰小晴川一望平夜聞天上語不是世中情

漸覺人聲遠應知月色多繡簾間不下留待宿嫦娥

黃鶴何時去鳳皇今夜來三山吟白鷺應有謫仙才

高閣迢迢夜溶溶月色嬌鳳皇應不遠只是待吹簫

題起凌雲字悠然憶少年到來高閣上平地忽登

路南州志

卷之四詩

六十九

仙累上層層砌瑤窓面面分浮雲飛不到窺見一天

文

新月

流寓 楊夢雷

薄暮登高望涼蟾一線生銀河誰是渡撐出玉舟橫

春燕

可憐雙燕燕交飛
遶畫樑只因兒女累
空度一春忙

七言絕句

西園

太守裴粹度山南人

碧水涓涓荇草香
茆亭結構傍長楊
倦來拋卷閒歌枕
卧看兒童捕小魴

其二

陸地高原不產蓮
淤泥汚穢偏清妍
還須苦惱堅心煉
莫把虛名向外傳

其三

比身康健復何求
鹿鹿空勞作馬牛
隨遇而安皆

路南州志

卷之四詩

六十九

自得人生大塊若浮漚

其四

縱意求安未必安
無心應物自生歡
清風明月皆知己
好把韶華醉裏看

其五

冥心跌坐小蒲團
靜對蕭蕭竹幾竿
欲倩丹青傳野趣
他年留作畫圖看

遊芝雲洞

知州馬鳴陽

何物靈通獻石芝天然崆峒不知時登臨頓覺塵
心化踏遍芒鞋意若遲

立秋

知州許維祚

深樹鳴蟬報早秋雨餘簾靜一庭幽閒情還卜開
懷處挈伴登高豁倦眸

又

閒裏逃禪樂有餘蕭齋跌坐意如如
新秋更喜添

路南州志

卷之四詩

七十

清興夜雨疎燈照讀書

憶菊

城隅高卧老秋光細雨涼風落葉黃
獨坐悠然惟命酒東籬風韻愧柴桑

又

只疑籬落影蕭蕭不見秋容倍寂寥
載酒白衣何處去空餘冷露泣芭蕉

送同年徐蒼野之任

太史許賀來
石屏人

初綰銅章拜玉墀國門分手悵歌驪
不須驛路愁

梅雨閩海風薰熟荔枝

又

揚帆三伏苦炎蒸客路休辭日飲冰舟中有美顏
如玉風月何須羨廣陵

又

橘熟柑香正九秋雙旌知己到閩州九龍江上盈
盈水應供使君雨澤流

又

南詔邊城面大洋蒼茫海氣濕琴堂心閒但使階

路南州志

卷之四詩

七十一

馴鶴竹聽循聲達廟廊

秋蘭

學正李汝相

獨坐欄邊思悄然一莖蘭蕊自清妍幾經霜雪幽
情寄數朶寒花瘦曉烟

聞笛

同人此日意翩翩細與論文俗慮捐何處飛聲來
玉笛梅花幾點韻悠然

客中見海棠

曾從太守昌州任西望昌州不異家一派幽香吹

不散春來冷艷伴烟霞

春雨初霽有感

半簾風雨半簾書睡起悠悠強自舒
宅午雲閒塵不到靜觀春意竟如何

題也可居

州蔚王熙載

膝但能容樂在焉幾人騎鶴幾腰纏
高歌一曲吾狂矣雲放山頭月在天

寄題池亭

雲粉層階水織籬俯看萬象鏡中移
乾坤祇此一

路南州志

卷之四詩

七十二

亭耳來往艤舟是阿誰

疎影穿窓

生員施純禮

淡淡疎枝點點花夜深伴月透窓紗
香魂不耐東風擾偷入雲山處士家

賦得滿城風雨近重陽

滿擬登高酒興狂客心何事轉淒涼
西風送雨晚來急濕透黃花仍帶香

七言律詩

秋夜

太守裴粹度人山西

西園設榻共琴書
隙地植花種菜蔬
牛醒半眠林內鳥
無情無緒池中魚
蕭疎竹韻風來後
剝換雲容雨過初
官舍猶同僧舍靜
焚香默坐月窓虛

其二

西園烟景頗幽貞
淡泊家風少送迎
有酒相將邀月飲
無才且喜少民爭
心閒意蕭^蕭千條滅
性靜神歸萬慮平
莫道衙齋清况少
垂簾深晝伴茶鐺

路南州志

卷之四

七十三

南城登高

令節囊萸興自豪
南樓緩步漫登高
孤城落木黃花冷
異地悲秋白髮蒿
葭露拂林皆淡漠
商飈入韻月蕭騷
從今悟徹秋聲賦
齊物鴻鈞等一毛

南浦荷花

綠縠平鋪十里長
紅蕖孌孌映湖光
風吹菡萏香生韻
雨淨琅玕影倍涼
碧^華摘來新翠蓋
玉環夢去舊珠房
花神解語羞花貌
懊恨多情此六郎

初秋雨後遊華藏寺

層雲相壓未能流
浙瀝空階聽轉稠
桐乳垂金光
積暗茨盤鋪翠味
初柔滌滌細浪環
香刹沆瀣遙
波影畫樓天
棘江蓮足乘興
相邀達士約重遊

路南州志

卷之四詩

又七十三

雜異

從來耳目有不數見者君子斥而弗道况敢筆
之於書傳之於世乎然考山海經齊諧諸書大
概皆志奇志怪夫以理之所無而為事之所有
亦足見天地之大固不可以意得而窺測之也
但為路甸所無不敢妄錄

路南州志

卷之四詩

七十三

續編藝文志

諭祭文

維崇禎四年二月二十日

皇帝遣雲南布政使司左布政蔡侃諭祭原任貴州
貴陽府同知贈光祿卿楊以成曰惟爾經緯長才
忠孝大節撫民慈惠兩任克著循良奉職精虔七
載宏敷愷澤多方解霑烏之難竭力平水蘭之爭
當逆酋未叛之初謀殷曲突及豺狼肆行之後守
比睢陽詎變出不虞遂孤城被陷乃遣吏懷印因

路南州志

卷之四 藝文

七十四

密書求援合豬塲而內攻搗巢有日約海洞為外
應滅寇可期竹筒一槭丹心萬古豈料淵謀忽露
以致罵賊隕身慷慨櫻鋒壯懷並天壤不朽從容
就義烈志與日月爭光至一十五口之捐軀允數
百餘年之正氣川嶽振色社稷式靈覽令子之陳
情悲死忠之獨慘特隆祭典兼晉卿階錫以榮名
營其兆域建祠傳芳於今古賜廕延世於河山英
爽如存歆茲茂渥

揚忠節公傳

山東泗水令孫 鵬 昆明人
康熙壬辰

公諱以成字太和元忠臣普魯海牙八世孫而古泉公鳴鸞之子也海牙公生於蒙古仕元官至武德將軍大理路總管移駐路南洪武初死國難贈閑里伯子泰隱居不仕易姓為楊遂為路南人八傳至公天性孝友古泉公患瘡痛甚公不避臭穢親為吮膿疾遂愈既由選貢生特授貴陽府畢烏通判時水藺交爭霑烏構釁公多方調劑皆得平復隨以征兩江都順 監紀

路南州志

卷之四

七十五

定廣洪邊軍功陞本鎮同知九薦欽賞兩任奏績當是時蜀中土酋奢崇明叛水西安邦彥起兵應之黔撫王三善為賊所殺賊勢張甚公預料賊謀先鳴當道訓兵利械偵守隄防既而邦彥計誘巡按至畢監軍欲於中路成擒公聞之力言不可往賊謀乃沮天啓二年正月二十七 日賊目張紳率兵數萬兩攻畢節公奮勇督兵 殺賊生擒其黨徐黑乍賊畏且恨既退復糾眾 乘夜攻城城將陷公密遣親信人將印間道馳

送司署乃集衆歎血誓必滅賊賊不滅誓以身
殉衆皆泣下願同死守至夜賊攻城益急城外
援師潛遁城中奸人內應城遂陷公入府署正
襟自縊曰臣力竭矣願為厲鬼報國賊入府署
見公縊急解下少頃氣復甦賊好語公曰好男
子從我當不失富貴公大怒罵賊賊大怒執公
去家屬楊定等遇害者一十五人公在賊中矚
其間密修書五紙置竹筒中遣弟以榮潛出賊
營至滇求援並糾合豬場屯等及歸義漢兵連

環協勦至散納溪被執賊搜得書大怒遂殺以
榮隨磔公於火掌宅溪公子振南起南興南冠
南道南等聞之哀痛不已捐資募兵兩次裹糧
赴黔剿賊多有戰功天啓四事聞詔賜祭一
壇贈按察司簽事天啓七年振南兄弟連名具
疏伏闕援例請卹詔賜葬祭建祠坊如例廕一
子錦衣衛世襲正千戶楊以榮楊定等並得附
祀崇禎四年上遣官諭祭文載家乘公居鄉仁
惠如買棺掩骨散粟濟貧等事鄉黨至今稱之

以其事不關邦國故不贅叙其後振南以歲貢
選安莊訓導陞陝西紫陽令起南登萬曆癸卯
鄉科興南登天啓辛酉鄉科選浙江湯溪令冠
南以選貢任四川巴縣令陞叙州府同知道南
以廩生終長孫琛以庠生廕襲錦衣衛正千戶
加揮^指使至今子孫科甲益盛人皆以為忠義
之報云

旌表節孝徐母趙孺人序 知州 許維祚 正白旗

聖天子表天下以節而治天下以孝節孝之有關於
風教大矣夫天地節而四時成日星昭於上河
嶽應於下人惟浩然之氣塞乎宇宙故臣節士
節婦節並傳不朽若夫孝則至性感發自
帝王以及士庶人咸有不匱之思至於巾幗女
流克盡厥道者不概見焉不佞宦遊海內見
夫士女不乏賢淑第習尚侈靡珠玉錦繡甲天
下多好逸樂女工纂組正家之道亦鮮矣如母

路南州志

卷之四 節孝

七十八

節克兼以教子婦孝可同於忠臣寧易言哉余
承乏路甸博採幽芳於孺人竊聞之孺人生於
望族當懿媿在閤勤女紅守七誠綜內治佐父
兄迨結褵載駕嬪於名門事舅姑鷄鳴盥漱問
寢視衣割股盡瘁提汲甕奉菽水潔修潛而敬
蒸嘗夫子焚膏繼晷兀兀窮年方下帷而攻黃
卷孺人在中饋脫簪珥解雜珮而佐青燈無何
勝筭之年忽值鏡分欲飛夫之寃永矢存孤之
志化柔腸為鐵石托堅臆於冰絃經營家政拮

据耕耘充闔戶之衣食勤十指理杼軸為小子
之束修且滄桑遞變錯節盤根與子偕隱玉潔
無玷雖變者世不變者心是以髮可斷耳可截
一心之白不可淄辛勤歷盡冰蘖備嘗熊可丸
也匪母莫貽荻為字也匪母莫師於是子能成
立儲為國器孫在膝前宴賦鹿鳴或膠庠食祿
或雪窓伏案子孫振振四世一堂朝夕含飴戲
綵於庭食祿固不偉歟總之勁節天貞純孝之
所致也夫立節難保孤尤不易孺人以女流而

路南州志

卷之四節孝

七十九

能致此者由於家學青箱淵源有自恩勤顧復
將伯為助迨邁乎杵臼與程嬰矣豈非母節克
兼以教子婦節可同於忠臣者哉孺人以拍舟
自矢原不徒以節孝沾名適逢

綸音清問潛德下訪幽光鄉評無異士論咸符共有
闡揚風教之舉呈諸不佞豈忍等之於流螢腐
草亟宜彰之為國瑞家珍達諸當道繕疏入告

遂蒙

諭旨輝煌樹之坊表賜懸旌於閭左築高臺於懷清

自是嘉名與日星同其高河嶽同其永母節婦
孝洵不負

聖天子旌揚之典矣是為序

路南州志

卷之四節孝

八

續藝文志

石林歌 原韻

寥蹇突兀疇能補縹緲常飛雲色五萬狀離奇地
底生巨靈擘作芙蓉塢瑤室璇房宛轉通縱橫四
達紛難數缺壁摩空天削成開鑿無容修月斧龍
蛇窟仰雲根穿峽圻枝撐若門戶嵌竇虛張結綺
踈月夜娟娟明玉宇巖洞黝黑莫敢窺積陰神物
蟠水府探奇歷險學猱升褰裳^擘确翠如組圖開
八陣隱旌旗叱起羣羊能跪乳高拄玉女洗頭盆

路南州志

卷之四 藝文

八十一

底覆容成丹竈釜或類仙掌或虎牙鳥跡微茫似
石鼓重重樓閣自玲瓏彷彿趨蹌鳴佩瑤伏流清
冷寒於冰奇峭干霄無尺土蒼皮駁落轉光澤石
痕皴裂偏多媮白日還疑山魃藏驚看怪石如蹲
虎左擎右攫鳥道纏吟岬對面相吞吐遙岑日入
壓黃雲崖前迸落山花兩振衣木末忽蒼茫裴裊^裏
四顧羣峰俯羅列兒孫說本奇嶷嶷競秀將何取
剗厓歲月手頻捫數行蝌蚪文同禹當年避世迹
猶存結構依稀不可覩凌嵩躡華亦常事梯雲躋

勝全忘苦李實冬鮮是幻成翻思縮地通崑圃松
風石韻水潺湲清音誰復調琴譜眼前屹立指難
屈米顛笏拜我狂舞心耽幽賞發長歌假以文章
大塊主乃知造化鍾神秀羣玉峯頭留太古

詩

七言律

泮池

知州史進爵

牛壁清泉湧地開，淵深似海水無隈。
春雷鼓浪扶龍起，秋月澄波送桂來。
闕里門前瞻閭苑，長虹背上天。
天台寄言池泮採芹客，穩步青雲不用猜。

山間石笋

知州史進爵

林林仙掌滿山頭，幾易春兮幾易秋。
玉樹難形真骨格，筆峯只肖假皮髀。
堅剛何處尋消長，秀麗無

路南州志

卷之四詩

八十三

從較劣優，但得曉陽微。助色金光萬點，護南州。

叢山勘界

知州史進爵

十里青山一段田，重重峭壁少人烟。
停車四顧尋仙跡，曳杖幾番到石顛。
大地多情留景色，匹夫何識佔林泉。
桑麻不在山林上，勸爾相安各默然。

泮池

學正郭廷選

長虹高跨月池腰，吾道津梁聖澤饒。
觀海逢源遊此泮，升堂入室履斯橋。
上通蟾窟天香近，遙接龍門紫氣朝。
待得槐黃逼眼後，銀袍鵠立奮雲霄。

獅子山

紹興 陳詔紹紳

磊落奇形勢擬獅藏牙伏瓜鎮夷室諸峯列巍皆
依障一水清澹藉以滋欲向登仙當有路漫愁策
蹇不逢時金精如解生公語應待秋涼訪佛墀

大興廠山石笋

紹興 陳紹紳

九府泉源地皤然玉笋生須知造物者撮土盪霄
崢

寓路南荷池秋眺

署學正 李含和

山城蕭瑟歷清秋翠藹林陰水繞樓作客獨憐千
路南州志

卷之四詩

八十四

里外悲時已是廿年流且將綠醕澆殘芟聊把閑
心伴野鷗向晚啣杯看霽色欲邀明月醉池頭

和史州尊山間石笋原韻 訓導 吳之良

森森玉笋出峯頭搦管擎天幾度秋屹立難移真
鐵案鋒錐不似假皮屨揮毫雲漢生風雨指點星
辰判劣優應是巨靈攄翰藻故將筆陣列昆州

魁閣遠眺

訓導 吳之良

連雲高閣俯城東萬象森羅在眼中遙望竹峯橫
疊嶂近臨盤澗臥長虹翠獅遠踏環山雪天馬頻

嘶響水風廟貌更新重煥彩九天星斗耀黉宮

泮池 步元韻

副榜 李崇琬

元氣澄涵錦繡開藻花飛入泮池隈波光漾影青
雲渡桂苑流香皓月來化雨逢時爭獻秀和風迎
岸共登臺深心造就傳新句奮志升騰不用猜

贈徐母趙孺人節孝

李崇琬

風清月白一兒孤喜得新鸞又失夫敬事孀姑承
世烈撫摩幼穉作名儒香飛古墓依雲樹秀發新
枝入畫圖桂譜流芳孝可則幽芳留與垂文謨

路南州志

卷之四 詩

八十五

賦得霜葉紅於二月花

進士 楊天恩

滿樹婆娑抹絳霞遙看丹葉似春葩豈知帶雨千
枝色未若經霜萬片斜艷冷欲隨清露滴紅稀不
礙白雲遮尋芳要識蕭疎意莫認空山作魏家

葦山勘界 步元韻

生員 韓世守

半鋤經史半耕田露濕寒松月冷烟
虞芮質成循古畔龔黃明決剖山巔
車前甘樹移棠蔭雨後新詩對石泉
鷄犬不驚民愠解薰風到處盡悠然

贈霈野徐君夫婦雙孝 商水令 趙士蘭 昆明

雙孝曾經珥筆題芳名直與斗山齊剝膚餞藥能
愈母濺血和羹復有妻一片精誠通帝謂滿腔至
性貫虹霓倡隨共篤天倫事典重恩褒待紫泥

泮池 步韻

歲貢 徐 沂

泮水溶溶特地開園橋新駕沼中隈波迴文錦春
風暖香動芹英化雨來鳳起翩聯遊帝闕蛟騰浪
湧躍瀛台池邊采藻供殷薦明德惟馨何用猜

山間石笋 步韻

歲貢 徐 沂

石笋如^峯風立岸頭倒懸鐵筆寫春秋崢嶸宛肖擎
路南州志 卷之四詩 八十六

天柱森秀寧同帶骨髀潑墨凌雲神獨健飲毫吸
露韻偏優珥花久入江淹夢化作仙巒俯一州

悼節烈洪氏

歲貢 楊簡誥

縱橫萬馬勢難支百丈層嶙盡節時誓死從夫有
誰覺舍生取義獨天知形消野外神猶健骨化巖
前志不移可惜史書編不到迎風和淚寫新詩

登鹿阜春望

歲貢 楊 僖

滿眼韶光爛熳開高登鹿阜出塵埃豈知去歲梅
花發已帶今年春色來朔雪暗藏天上露堅冰早

伏地中雷欲尋萬紫千紅意一點陽從子半回

路南大熟因

賦三秋大有年誌慶

副榜李廷璋

幸際雍熙日咸歌大有年隴頭九穗合陌上兩岐

連膏雨山含翠薰風柳帶烟重光輝比戶華祝遍

桑田試聽康衢畔應多擊壤宣小臣拙頌禱含哺

樂堯天

贈趙太母李孺人節孝

舉人徐務本

育鳳將雛孤未懸楚江竹淚已交連天延一脉保

嬰苦義重三綱樹節堅鬱鬱幽香聞黻座煌煌

路南州志

卷之四詩

八十七

盛典煥花箋嗣徽還有儂家母何日飛章達九天

天

赤江堤

古城素稱沃壤但三面臨江每秋患水丙子春士民欲築長堤防禦泛溢

公呈於余因同相度數月告成自此田園無恙

知州史進爵

蜿蜒一帶鎖江流紫陌連雲報有秋千頃波濤歸

正派一鄉民社杜偏愁於今望岸稱安堵當日臨

濱嘆濫浮賈讓治河三獻策看來防禦是嘉謀

州司訓吳之良

金堤迴繞赤江流萬頃良田萬頃秋此日耕耘歌
大有當年版築抱深愁安瀾有慶波光斂衝潰無
虞雪浪浮治術自來推水利名垂班史紀嘉謀

州副榜李崇琬

平疇舒望導江流決去壅關歲有秋隴上閑吟消
舊恨舟中載酒釋新愁謝公高岸芳田潤蘇子長
堤夜月浮俯仰古今寄意遠泳遊澤畔羨神謀

州貢生徐沂

赤水滔滔萬里流桃花泛浪漲深秋賢侯已建宣

路南州志

卷之四詩

八十七

房議良牧猶懷蕭相憂防瀕多方禾穗穩綢繆早
計稻香浮遙臨驄馬歌來暮共仰平成奕世謀

州貢生楊侶桐

赤江駭浪已連連獨羨長堤久倍堅月湧未聞浮
彼岸風翻那見沒前川安瀾散作千家雨砥柱吹
成萬井烟試問功隆何所似依稀直在禹謨篇

五言律

龜山即事

知州楊化元 四川

跣丈龜山道清秋一望賒石田多草子瘦地拌收
花破碎牛羊寨敬危農父家空傳名勝久到此始
堪嗟

天竺寺

仁懷令杜詮 馬龍

數峯摩碧漢割翠俯三城不覺太虛礙遙看衆縵
明叢篁清玉滑茂樹綠雲橫此是塵囂外憑高眼
更青

路南州志

卷之四詩

八十八

伴池

不獨宮墻麗還兼泮岸工池頭邀半月水引引長
虹自有連雲勢何須架木功秋波添藻綠春浪映
桃紅魚躍文江裏龍騰學海中莫疑天路遠即此
是蟾宮

弔鄒公祠

舉人蘇瑀

巫峽鍾名宿昆城挹潤多源開東注水秀發南山
禾遺廟經風雨殘碑掛薜蘿為披循吏傳懷古動
吟歌

贈金母張孺人節孝

寂寞空閨裏悠悠歷歲華也知心匪石何似玉無
瑕跪乳哀靈畜反哺痛慈鴉皇天念有德此際
獨爭差

路南州志

卷之四詩

八十九

題金節婦張孺人 七言古

單履成 高密

子孝臣忠與婦節耿光亘古日星列於斯三者曰
孰難深閨淚灑杜鵑血金母幽貞賦自天食蘗茹
荼遇所偏入火南金色不易傲歲松筠性獨堅十
八為婦十九寡一生一死黃泉下豈不欲隨已亡
人堂上猶有華髮者含淚飲泣事孀姑膝下遺腹
聲始呱一身為父兼為子十二年來心血枯心血
枯盡望成立誰知又復百憂集冥冥重泉哭不聞
啾啾夜聽鬼神啼母曰天道未有知我生不辰際

路南州志

卷之四詩

九十

此時撫子不成又有孫三世書香身任之霜啼千
里寧鹿鹿掣電躡風空兀躅雄文已自掩名流妙
譽何但豔鄉曲於今聽歌採芹章低徊往事倍心
傷淒涼惟有西窻月四十餘年照肺腸吁嗟乎節
義自昔推趙孤路南今復有女模君不見古來多
少偉丈夫失守事人口囁嚅尚冠尚爾多傾頽對
此可曾汗顏無

續修路南州志跋

邑之有志所以紀事表行信今而傳後也路南地僻壤小志無成軼前知州金公學正李公纂修之迄今四十餘年矣久沐

聖化風教日開其間人才倍出科甲迭興以及田賦

戶口之變更水利風俗之因革舊志所載不無闕畧

郡侯史公以西秦名儒登甲午賢書

戶部觀政

特揀縣令學問經濟早著西川隨以軍功陞任茲土

路南州志

卷之四跋

一

有關國計民生者無不次第舉行尤念州志為風教攸關殷殷有修志之舉丁丑春集紳士詢逸老廣搜博採紀其遺蹟表其芳徽補其缺畧名曰續編蓋不欲沒前人之善炫一已之長耳夫興利除弊有司事也發微闡幽師儒責也良謬列分訓敢不殫心勉力以勸盛舉而成

公之志哉事既告竣不揣固陋而為之跋

乾隆二十二年丁丑秋七月路南州訓導

拜撰

吳之良

書館印

館員 初校

清史館舊藏乾隆間刻本民國十九年二月國立北平圖書館鈔藏